

Braint ac anrhydedd i *Cyfrwng* yw gallu cyhoeddi cystadleuaeth Gwobr Goffa James Thomas. Roedd Dr James Thomas (1971–2007) yn un o gyd-sylfaenwyr *Cyfrwng* ac yn gyd-olygydd tri rhifyn cyntaf y cyfnodolyn. Treuliodd James ei yrfa academaidd yn gyfan gwbl yng Nghymru – cyflawnodd ei ddoethuriaeth ar berthynas y Blaid Lafur â'r wasg boblogaidd ym Mhrifysgol Cymru, Abertawe ym 1999, cyn troi at ddysgu hanes ym Mhrifysgol Cymru, Abertawe ac yna ym Mhrifysgol Cymru, Bangor cyn ymuno â Phrifysgol Caerdydd. Cysegrodd ei yrfa academaidd i'r dasg o hyrwyddo astudiaethau'r cyfryngau yng Nghymru a daeth yn aelod hanfodol o dim dysgu ac ymchwil Ysgol Newyddiaduraeth, y Cyfryngau ac Astudiaethau Diwylliannol, Prifysgol Caerdydd ers iddo ymuno â'r Ysgol yn 2001. Yr oedd ei ddiddordebau ymchwil yn amrywiol a thoreithiog ac ymhlith



ei brif gyfraniadau i ymchwil y mae ei gyfrolau, *Diana's Mourning: A People's History* (Gwasg Prifysgol Cymru, 2002), a *Popular Newspapers, the Labour Party and British Politics* (Routledge, 2005), a sefydlodd enw da James fel un o haneswyr cyfryngau gorau ei genhedlaeth.

Yr oedd James yn hynod falch o'r gwaith a gyflawnwyd gan *Cyfrwng* a'r gyfraniad a wneir gan y cyfnodolyn i

hyrwyddo astudiaethau'r cyfryngau a Chymru. Gyda'i gyd-olygydd amlinedd ei fwradau ar gyfer y cyfnodolyn yn y golofn olygyddol gyflwyniadol: '...nod [*Cyfrwng*] yw darparu fforwm bywiog a hygyrch a fydd yn annog ymchwilwyr ar bob lefel i gymryd rhan mewn trafodaethau ar y meysydd hyn. Y mae'n gobeithio cynnig *cyfrwng* i'r sawl sy'n ymwneud â'r diwydiant i drafod â'r sawl sy'n cynnal astudiaethau academaidd ffurfiol o'r cyfryngau a hefyd â'r darllynydd cyffredinol sydd â diddordeb yn y cyfryw faterion.' O gofio hyn ac yn gydnabyddiaeth o'i gyfraniad ef ei hun, y mae *Cyfrwng* yn falch o gyhoeddi bod gwobr flynyddol wedi ei sefydlu yn ei enw er mwyn annog myfyrwyr ôl-radd ac ysgolheigion ar ddechrau eu gyrfa i gyfrannu i'r trafoadaethau ar gyfryngau Cymru trwy ymchwilio, ysgrifennu a chyflwyno ysgrif i'w chyhoeddi yn *Cyfrwng*.

Canllawiau cyflwyno:

- ▶ Dyddiad cau ar gyfer cyflwyno erthyglau yw **1 Mai** pob blwyddyn, gan ddechrau yn 2009.
- ▶ Cyfnodolyn dwyieithog yw *Cyfrwng* a gall ymgeiswyr gyflwyno erthyglau trwy gyfrwng y Gymraeg neu'r Saesneg.
- ▶ Rhaidwyr gwobr flynyddol i'r erthygl *cyfrwng* Cymraeg orau ac un arall i'r erthygl *cyfrwng* Saesneg orau. Cyhoeddir y ddwy erthygl, yn amodol ar drefn olygyddol arferol *Cyfrwng*, yn y cyfnodolyn a chyflwynir gwobr gwerth £250 yr un i awduron y ddwy erthygl.
- ▶ Rhaid i ymgeiswyr y gystadleuaeth hon fod wedi cofrestru fel myfyrwyr ôl-radd neu yn ysgolheigion ar ddechrau eu gyrfa.
- ▶ Rhaid i'r erthyglau a gyflwynir fod yn berthnasol i unrhyw un, neu fwy, o'r chwe maes diwydiannau creadigol sydd dan sylw *Cyfrwng* – radio, ffilm, teledu, cyfryngau newydd, newyddiaduraeth, ac astudiaethau theatr a pherfformio – a rhaid cael safbwynt ar Gymru.
- ▶ Dylai erthyglau fod rhwng 4,000 a 6,000 o eiriau, gan gynnwys troednodiadau. Dylai erthyglau ddilyn canllawiau diwyg a chyflwyno'r cyfnodolyn *Cyfrwng* sydd i'w cael ar www.cyfrwng.com
- ▶ Dylid cyflwyno copiau dyblyg o'r erthyglau, ond ni ddylid ysgrifennu enw, cyfeiriad a chyfeiriad ebost yr ymgeisydd ar yr erthygl ei hun ond yn hytrach eu hamgáu ar ddalen ar wahân i'w chynnwys gyda'r traethawd. Dylid cyflwyno crynodeb o rhwng 100 a 150 o eiriau a phump neu chwe gair allweddol gyda'r erthygl. Dylai pob cais gynnwys datganiad o gefnogaeth gan arolygydd ymchwil neu Bennaeth Adran a'i anfon ar ffurf copi caled at Dr Gwenno Ffranco, *Cyfrwng*, Adran Cyfathrebu a'r Cyfryngau, Prifysgol Abertawe, Abertawe SA2 8PP a hefyd trwy ebost at gwobrgoffa@cyfrwng.com
- ▶ Gall ymgeiswyr gystadlu mewn mwy nag un flywyddyn pe dymunant, ond ni chaniateir i ymgeiswyr gyflwyno mwy nag un erthygl mewn unrhyw rownd. Ni chaiff erthyglau sydd wedi eu hail-gyflwyno eu hystyried oni bai y gwelir ôl diwygiadau sylweddol.
- ▶ Caiff y gystadleuaeth ei beirniadu gan bwyllgor a benodir gan Fwrdd Rheoli *Cyfrwng*. Y mae'r pwyllgor yn cadw'r hawl i atal y gwobrau mewn unrhyw flywyddyn benodol. Bydd penderfyniad y beirniaid, a fydd yn derfynol, yn cael ei gyhoeddi i'r holl ymgeiswyr ym mis Gorffennaf bob blwyddyn.

